



არასამეწარმეო (არაკომერციული) იურიდიული პირი „ჭიათურის
გაერთიანებული საბავშვო ბაღის,, ბაღ–განყოფილებების საკვები
პროდუქტის (პურის CPV კოდი –15811100) გამარტივებული
ელექტრონული ტენდერის საშუალებით სახელმწიფო შესყიდვის
სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო
შესყიდვის შესახებ,, საქართველოს კანონისა და „გამარტივებული
შესყიდვის, გამარტივებული ელექტრონული ტენდერისა და
ელექტრონული ტენდერის ჩატარების წესის დამტკიცების შესახებ,,
სახელმწიფო შესყიდვების სააგენტოს თავმჯდომარის 2011 წლის 07
აპრილის №9 ბრძანების საფუძველზე.

ჭიათურა

2015წ

სარჩევი

1. ინსტუქცია გამარტივებულ ელექტრონულ ტენდერში მონაწილეობის მისაღებად;
2. ტექნიკური დოკუმენტაცია ;
3. ფასების ცხრილი (დანართი #2) ;
4. საქონლის მიწოდების გრაფიკი ;
5. ანგარიშსწორების პირობები ;
6. სატენდერო კომისიის აპარატის წევრთა ვინაობა ;
7. სახელმწიფო შესყიდვების შესახებ ხელშეკრულების პროექტი;
8. დანართი #1 .

1. ინსტრუქცია გამარტივებულ ელექტრონულ ტენდერში მონაწილეობის მისაღებად

სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის № 9 ბრძანების შესაბამისად.

2. ტექნიკური დოკუმენტაცია

1. მისაწოდებელი პროდუქტების ჩამონათვალი

შესყიდვის ობიექტს წარმოადგენს ქვემოთ ჩამოთვლილი საკვები პროდუქტების შესყიდვა შესაბამის ვადებში:

#	დასახელება	აღწერილობა	განზ.	რაოდენობა წლის განმავლობაში	მიწოდების გრაფიკი
1	პური	პური დამზადებული უნდა იყოს უმაღლესი ხარისხის ხორბლის ფქვილისაგან.	კგ	33291	ეტაპობრივად, მოთხოვნის (განაცხადის) შესაბამისად

2. მიმწოდებელმა შემსყიდველს უნდა მოაწოდოს ხარისხიანი პროდუქტი და შემსყიდველის მოთხოვნის შემთხვევაში უნდა წარუდგინოს მას პროდუქტის ხარისხის დამადასტურებელი დოკუმენტი. მიწოდებული პროდუქცია უნდა აკმაყოფილებდეს დადგენილ სტანდარტებს.

3. მისაწოდებელი საქონელი უნდა იყოს შეფუთული ან დაფასოებული ისე, რომ უზრუნველყოფილი უნდა იყოს პროდუქტის ხარისხის შენარჩუნება.

4. საქონლის შენახვისას და ტრანსპორტირებისას დაცული უნდა იყოს სანიტარული წესები და ნორმები.

შენიშვნა: შესყიდვის ობიექტის რაოდენობა არ არის ზღვრული, იგი წლის განმავლობაში შეიძლება შემცირდეს/გაიზარდოს ბალებში ფაქტიურად გამოცხადებული ბავშვების რაოდენობის გათვალისწინებით.

3. ფასების ცხრილი (ხარჯთაღრიცხვა)

1. პრეტენდენტმა უნდა წარმოადგინოს ხარჯთაღრიცხვის ფორმა ქვემოთ მოყვანილი დანართი #2-ის ფასების ცხრილის შესაბამისად.

დანართი #2
ფასების ცხრილი

პრეტენდენტის დასახელება _____

#	საქონლის დასახელება	საქონლის პირითადი მახასიათებლები	რაოდენობა	ერთეულის ფასი	საერთო ღირებულება	წარმოშობის ქვეყანა	მიწოდების ვადა	მიწოდების ადგილი
							2016 წლის 31 დეკემბრის ჩათვლით	დანართის შესაბამისად

პრეტენდენტის ხელმოწერა, ბეჭედი

შენიშვნა:

1. პრეტენდენტის მიერ წარმოდგენილი ყველა დოკუმენტი უნდა იყოს ბეჭედდასმული ან/და ხელმოწერილი უფლებამოსილი პირის მიერ.
2. პრეტენდენტის მიერ შემოთავაზებულ ფასში გათვლილი უნდა იყოს საქართველოს კანონმდებლობით გათვალისწინებული ყველა გადასახადი.

4. საქონლის მიწოდების გრაფიკი

1. მიწოდება უნდა განხორციელდეს ხელშეკრულების გაფორმებიდან 2016 წლის 31 დეკემბრის ჩათვლით.
2. მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად, ბაღების მენეჯერების მიერ გაკეთებული მოთხოვნის საფუძველზე,
3. საკვები პროდუქტის (პურის) ცალკეულ ბაღებამდე მიტანას უზრუნველყოფს მიმწოდებელი სატენდერო დოკუმენტაციაში მოცემულ ბაღ-განყოფილებების მისამართებზე.

ა(ა)იპ „ჭიათურის გაერთიანებული საბავშვო ბაღის“ ბაღ-განყოფილებების მისამართები, სადაც უნდა განხორციელდეს საკვები პროდუქტის, პურის მიწოდება:

№	განყოფ. დასახელება	მისამართი
1.	№1 განყოფილება	იაშვილის ქ.№14
2	№2 განყოფილება	იაშვილის ქ.№12
3.	№3 განყოფილება	გოგებაშვილის №9
4	№4 განყოფილება	მერკვილადის №16
5	№5 განყოფილება	9 აპრილის №21
6	№6 განყოფილება	ფრანგიშვილის №9
7	№7 განყოფილება	წმ. გიორგის ქ.№12
8	№8 განყოფილება	გიორგაძის ქ. №10
9	№9 განყოფილება	ფანცულაისის №4
10	№10 განყოფილება	საფარი. სოფ.№5
11	№11 განყოფილება	ავარიონი. პატ.№1
12	ნიგოზეთის განყოფ.	სოფ.ნიგოზეთი
13	რგანის განყოფ.	სოფ.რგანი
14.	ზოდის განყოფ.	სოფ.ზოდი

15	წირქვალის განყო.	სოფ.წირქვალი
16	ეწერის განყოფ.	სოფ.ეწერი
17	კაცხის განყოფ.	სოფ.კაცხი
18	ზე.უსახელოს გა.	სოფ.ზედა უსახელო
19	ქვ.უსახელოს განყო	სოფ.ქვედა უსახელო
20	ბერეთისის განყო.	სოფ.ბერეთისა
21	მღვიმევის განყოფ.	სოფ.მღვიმევი
22	დარკვეთის განყო	სოფ.დარკვეთი
23	სვერის განყოფ.	სოფ.სვერი
24	ხრეთის განყოფილება	სოფ. ხრეთი

5. ანგარიშსწორების პირობები:

1. შესყიდვის ობიექტის ღირებულება შეადგენს 49937 (ორმოცდაცხრაათას ცხრაას ოცდაჩვიდმეტი) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
 2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. პრეტენდენტის მიერ დაფიქსირებული ფასი თითოეულ შესასყიდ ობიექტზე უნდა შეესაბამებოდეს არსებულ საბაზრო ფასებს.
 3. ანგარიშსწორება მოხდება უნაღდო ანგარიშსწორებით ლარში.
 4. ანგარიშსწორება მოხდება წარმოდგენილი სათანადო დოკუმენტაციის საფუძველზე.
 5. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულებების შესრულება. ფასწარმოქმნის ადეკვატურობისა და ხელშეკრულებით გათვალისწინებული ვალდებულებების შესრულების დასაბუთებისათვის პრეტენდენტმა უნდა წარმოადგინოს ექსპერტიზის შესაბამისი დასკვნა, , დასკვნის ღირებულება უნდა დაფაროს საკუთარი ხარჯით, დასკვნის წარმოდგენლობა, ან/და უარყოფითი დასკვნის წარმოდგენა გამოიწვევს პრეტენდენტის დისკვალიფიკაციას. დასკვნა წარმოდგენილი უნდა იქნეს სისტემის მეშვეობით 5 სამუშაო დღის ვადაში.
- დასკვნა გაცემული უნდა იყოს სამხარაულის სახელობის საექსპერტო ბიუროს ან აკრედიტაციის ცენტრის მიერ აკრედიტირებულ პირთა რეესტრში არსებული პირის მიერ.

6. სატენდერო აპარატის წევრთა ვინაობა და საკონტაქტო ინფორმაცია, რომელთაც უფლება აქვთ გასცენ ინფორმაცია და განმარტებები შესყიდვის პროცედურების შესახებ.

ნინო დარბაიძე 599-16-58-56

ნატო ფიფია 593-32-06-97

7. სახელმწიფო შესყიდვების შესახებ ხელშეკრულების პროექტი

(ხელშეკრულების პირობების საბოლოო ვარიანტი დაზუსტდება ტენდერში გამარჯვებულ პრეტენდენტთან ხელშეკრულების გაფორმების პროცესში)

ქ. ჭიათურა

----- 2015წ

ერთის მხრივ ა(ა)იპ „ჭიათურის გაერთიანებული საბავშვო ბაღი“ (შემდგომში „შემსყიდველი“) წარმოდგენილი მისი დირექტორის მაკა წერეთლის სახით და მეორეს მხრივ ----- შემდგომში „მიმწოდებელი“ მოქმედი კანონმდებლობის საფუძველზე გაფორმებით წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია „შემსყიდველის“ მიერ „მიმწოდებლისაგან“ ----- (შემდგომში „შესყიდვის ობიექტი“) საკვები პროდუქტის ----- სახელმწიფო შესყიდვა გამარტივებული ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად. წინამდებარე ხელშეკრულების განუყოფელ ნაწილს წარმოადგენს სატენდერო დოკუმენტაცია, რომლის პირობები სავალდებულოა შესასრულებლად მიმწოდებლისათვის.

2. ხელშეკრულების ღირებულება

2.1. შესყიდვის ობიექტის ღირებულება (საქართველოს კანონმდებლობით დადგენილი ყველა გადასახადის, ტრანსპორტირების და სხვა ხარჯების გათვალისწინებით) შეადგენს ----- (-----) ლარს.

3. ხელშეკრულების შესრულების კონტროლი

3.1. შემსყიდველს უფლება აქვს განახორციელოს ხელშეკრულებით გათვალისწინებული ვალდებულებების შესრულების კონტროლი.

3.2. ხელშეკრულების პირობების კონტროლის განხორციელება შესაძლებელია ხელშეკრულების მოქმედების ნებისმიერ ეტაპზე.

4. საქონლის მიწოდების პირობები

4.1. საქონლის მიწოდება განხორციელდება ეტაპობრივად, შემსყიდველის მოთხოვნის შესაბამისად საბავშვო ბაღებიდან მიწოდებული განაცხადის საფუძველზე ხელშეკრულების გაფორმებიდან 2016 წლის 31 დეკემბრის ჩათვლით.

4.2. მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად, ბაღების მენეჯერების მიერ გაკეთებული განაცხადის საფუძველზე, განაცხადზე საქონლის გაცემის თანხმობა დადასტურებული უნდა იყოს ბაღის დირექტორის ხელმოწერით.

4.3. საქონლის შენახვა მიმწოდებელმა უნდა უზრუნველყოს ისე, რომ დაცული უნდა იყოს საკვები პროდუქტის შენახვის სანიტარულ ჰიგიენური ნორმები და პირობები.

4.4. საქონლის (საკვები პროდუქტის) ცალკეულ ბაღებამდე მიტანას უზრუნველყოს მიმწოდებელი სათანადო დოკუმენტაციის საფუძველზე.

4.5. მიმწოდებელი ვალდებულია გადასცეს შემსყიდველის წარმომადგენელს იმ რაოდენობის პროდუქტი, რაც მოცემული იქნება თითოეულ განაცხადში.

4.6. მიმწოდებლის პრეტენზიები განაცხადების წარდგენის ვადაზე და მოცულობაზე არ მიიღება, ბაღების მუშაობის სპეციფიკიდან გამომდინარე.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება ჩაბარება განხორციელდება ეტაპობრივად, საქონლის მიწოდებისას მიმწოდებლისა და შემსყიდველის უფლებამოსილ წარმომადგენლებს შორის სასაქონლო ზედნადების საშუალებით.

5.2. სასაქონლო ზედნადებთან ერთად მიმწოდებელი ვალდებულია წარმოუდგინოს შემსყიდველს წერილობითი მოთხოვნა მიწოდებული საქონლის ღირებულების ანაზღაურების შესახებ.

6. ანგარიშსწორება

6.1. ანგარიშსწორება მოხდება ეტაპობრივად, უნაღდო ანგარიშსწორებით ლარში, ფაქტიურად მიწოდებული საქონლის შესახებ წარმოდგენილი სასაქონლო ზედნადებისა და სხვა დოკუმენტაციის საფუძველზე.

7. მხარეთა უფლება-მოვალეობები

შემსყიდველის უფლება-მოვალეობები:

7.1. უზრუნველყოს შესყიდვის ობიექტის შესაბამისი ანაზღაურება.

7.2. მიმწოდებლისაგან მოითხოვოს უფლებრივად და ნივთობრივად უნაკლო ობიექტის დადგენილი ოდენობითა და ვადაში მიღება.

7.3. განახორციელოს მიმწოდებლის მიერ გადაცემული შესყიდვის ობიექტის ხარისხის შემოწმება.

7.4. მიმწოდებლის მიერ ხელშეკრულებით გათვალისწინებული პირობების შეუსრულებლობის შემთხვევაში შეწყვიტოს ხელშეკრულება.

მიმწოდებლის უფლება-მოვალეობები

7.5. შეთანხმებულ ვადაში, დადგენილი ოდენობით, ხარისხითა და ღირებულებით მიაწოდოს შემსყიდველს ნივთობრივად და უფლებრივად უნაკლო შესყიდვის ობიექტი;

7.6. ხელშეკრულების მოქმედების პერიოდში შემსყიდველს მიაწოდოს შესყიდვის ობიექტთან დაკავშირებით ნებისმიერი სახის ინფორმაცია და დოკუმენტები.

7.7. საკუთარი ხარჯებით უზრუნველყოს „შემსყიდველის“ მიერ გამოვლენილი შესყიდვის ობიექტის მდგომარეობასთან დაკავშირებული ყველა ნაკლის აღმოფხვრა;

7.8. შესყიდვის ობიექტის მიწოდებასთან დაკავშირებით მოთხოვნის შემთხვევაში წარუდგინოს შემსყიდველს შესყიდვის ობიექტის შესახებ შესაბამისი პირველადი დოკუმენტაციის ასლები და ანგარიში.

7.9. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;

8. ხელშეკრულებაში ცვლილებების შეტანა

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წინასწარ შეატყობინოს მეორე მხარეს შესაბამისი ინფორმაცია.

8.3. ხელშეკრულების პირობების ცვლილება დაუშვებელია თუ მას მოჰყვება მოჰყვება ხელშეკრულების ფასების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. ხელშეკრულების პირობების შეუსრულებლობა და ხელშეკრულების შეწყვეტა.

9.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად და ხარისხიანად. მხარეები პასუხს აგებენ ხელშეკრულების პირობების არაჯეროვანი და უხარისხო შესრულების ან/და შეუსრულებლობის გამო ხელშეკრულებით დადგენილი წესით. (სხვა ვალდებულებებთან ერთად მიმწოდებლის მიერ ხელშეკრულების პირობების შეუსრულებლობად ითვლება უხარისხო პროდუქციის მიწოდება, მოთხოვნილ პროდუქციაზე ნაკლები ოდენობით პროდუქციის მიწოდება, დადგენილ ვადაში საქონლის მიწოდების შეფერხება და სხვა.)

9.2. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო, თუკი ადგილი აქვს ვალდებულებების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1%-ს.

9.3. იმ შემთხვევაში თუკი ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს შემსყიდველს უფლება აქვს ცალმხრივად შეწყვიტოს ხელშეკრულება და დააჯარიმოს მიმწოდებელი ხელშეკრულების საერთო ღირებულების 10%-ით.

9.4. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან. მიმწოდებლის მიერ ხელშეკრულების თვითნებურად შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 20%-ის ოდენობით.

9.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

9.6. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9.7. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში.

9.8. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნახდაუროს მიმწოდებელს ფაქტიურად მიღებული საქონლის ღირებულება.

10. ფორს-მაჟორი

10.1. ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს მაჟორული გარემოებების შედეგი.

10.2. ამ მუხლის მიზნებისათვის „ფორს-მაჟორი“ მიშნავს მხარეებისათვის გადაუღახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავის შესხედულებისამებრ მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დაეა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტების ირგვლივ.

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას ნებისმიერ მხარეს დავის გადაწყვეტის მიზნით შეუძლია მიმართოს სასამართლოს თუ ხელშეკრულებით სხვა რამ არ არის გათვალისწინებული.

12. ხელშეკრულების მოქმედების ვადა

12.1. წინამდებარე ხელშეკრულება ძალაშია ხელმოწერისთანავე და მოქმედებს 2017 წლის 31 იანვრის ჩათვლით.

13. სხვა პირობები

13.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება შედგენილია ქართულ ენაზე, ორ ეგზემპლიარად, რომელთაგან თითოეულს აქვს თანაგარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.4. გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის სატენდერო წინადადებას და წარმოადგენს მის განუყოფელ ნაწილს.

13.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ რაც ის წერილობითი ფორმითაა შედგენილი და ხელმოწერილი მხარეთა მიერ.

შემსყიდველი:

ა(ა)იპ „ჭიათურის გაერთიანებული საბავშვო ბაღი“

საიდენ. კოდი: 215613254

მისამართი: ქ. ჭიათურა, ნინოშვილის ქ. №11

მიმღები ბანკი: სს „ლიბერთი ბანკი“

ჭიათურის ფილიალი 427

ბანკის კოდი LBRTGE22

ანგარიშის №: GE71LB0115160745923000

მიმწოდებელი

დანართი #1

8. პრეტენდენტების მიერ დამატებით წარმოსადგენი მონაცემები:

1. რეკვიზიტები:

- ა) პრეტენდენტის იურიდიული ფორმა და დასახელება;
- ბ) ხელმძღვანელის სახელი და გვარი;
- გ) პრეტენდენტის იურიდიული ან/და ფაქტიური მისამართი;
- დ) საიდენტიფიკაციო კოდი;
- ე) პრეტენდენტის ტელეფონის ნომერი;
- ვ) ელექტრონული მისამართი;
- ზ) მომსახურე ბანკის კოდი;
- თ) ანგარიშსწორების ანგარიში.

_____პრეტენდენტის ხელმოწერა და ბეჭედი (არსებობის შემთხვევაში)